



# ПРАВДА КОМУНИСТ

Чыла элласе пролетарий-шамыч, ушныза!

В Л К С М

Маробком

ден

Горком

орган

## БОЛЬШЕВИСТСКИЙ ПЕЧАТЫН ПАЙРЕМЖЕ

Тенгече, 5 майыште, Советский Союзысо пүтнӧ калык большевистский печать кечым кугу куанымаш дене пайремлыш. Тиде кече—Советский Союзысо шемер калыкын илышыштыже ик пеш кугу куанымаш, исторический кечылан шотлалтеш. Тиде исторический кече 1912 ий гыч тунгалын. 1912 ий 5 майыште Ленин ден Сталинын организаватлыме „Правда“ газетын первый номерже лектын, тиде кече лумеш большевистский печаттын традиционный пайремже тунгалын.

Шкенан элыштына социалистический обществом ыштен шуктен, коммунистический обществом ыштышаш верч кучедалмаште большевистский печаттын кугу рольжо нерген Сталин йолташ классический определенийым пуэн: „Печать—единственный орудий, кудын полшымыжо дене партий шкенжын, тудлан кумо йылме дене кече еда, час еда пашазе класс дене ойла. Партий ден класс коклаште духовный шуртым шуяшлан моло средства-шамыч, моло тыгай лывырге аппарат пүртүсышто уке. Печать кече дене огыл, а час дене кушшаш,—тиде мемнан партийын эн пусо да эн виян орудийже“.

„Газета—коллективный пропагандист да коллективный агитатор велз огыл, тугак коллективный организатор“, манын В. И. Ленин ойлен.

Большевистский партий шкенжын эн пусо орудийжым—печатным чарныде пенгыдемда да пусемда.

Мемнан прессынам, тудын кадрже-шамычым шемер калыкын тушманже-шамыч ваштареш кучедалмаште непримиримый лияшлан Ленин—Сталин партий воспитыватла. Мемнан элыштына шемер массым коммунистический духеш воспитатлымаште печаттын рольжо моткочак кугу. Тугак айдемын сознанийыштыже капитализмын кодшо пережиткыжым пытарышаш верч кучедалмаште, коммунистический мораль верч, у быт верч кучедалмаште печать пеш кугу полшымын пуэн шога.

Мемнан советский калык шкенжын печатным йората, пагала, шкенжын кече еда пашаштыже печать гоч кугу полшымын налын шога.

Большевистский печать кечым пайремлыме годым мемнан ончылнына эшеат кугу да ответственный задача-шамыч шога. Эн первоак—газетым эшеат саемдаш, тудым шемер масса деке эшеат лишылемдаш. Кокымшо—газетын кадрже-шамычым идейно-политический шотышто кече еда кушташ да воспитыватлаш. Шкенан юнкор-шамычна дене кыл кучымашым эшеат саемдаш да пенгыдемдаш, нунылан чарныде полшен шога.

Шкенан газетнам, рвезе поколенийым коммунистический духеш воспитыватлымаште, партийлан достойный, ушанле пополненийым ямдылымаште эн чапле, эн лывырге да эн сайын полшымо орудийым ыштен шукташ.

### М. Н. Иванов ден А. И. Зыков йолташ-шамычым наградитлымаш

Государственный безопасностью аралымаште правительствын заданийже-шамычым успешно шуктымылан СССР Верховный Совет Президиум НКВД-н 754 пашаенжым СССР орден да медаль-шамыч дене наградитлен. Нунын коклаште Марийский республике НКВД пашаен-шамыч „Знак Почета“ орден дене Марийский АССР Внутренний паша Калык Комиссар, государственный безопасность капитан Михаил Николаевич Иванов йолташ да „За отвагу“ медаль дене Марийский АССР НКВД-ште ыштыше, государственный безопасность младший лейтенант Александр Иванович Зыков йолташ наградитлалтын.

### Массовый удымаш тунгалын

Ронго. (Телефон дене). 4 майыште Колокудский сельсовет пашаен-шамыч 10 колхозлашке лектын, колхозник-шамычым массовый удымашке мобилизоватлен колтеныт.

Колхозлазе качественный комиссий-шамыч удышашлан посна участкым проверитленыт. „Свобода“ колхозышто комиссий дене пырля

шонго колхозник-шамычат пасушко проверкыш лектыныт. 70 ияш П. Н. Толстухин ден А. В. Сушенцов удаш йорымылан шотленыт.

Тиде кечынак „Свобода“ колхоз массовый удымашым тунгалын. Таче массовый удымашке эше 6 колхоз лектеш.

В. М. Б.

### Паша нормым утыж дене темат

Пектубай район „Чирки“ колхоз шошо ага пашаш организованно паже. Шошо аган первый кечыштыжак 50 гектарым куралме. Посна колхозник-шамыч шошо агаште примерым ончыктен шога. Теве Стрельников Константин 0,75 гектарым куралме олмеш 1, 06 гектарым куралеш. Тудо кечаш паша нормым 175 процентлан тема. Тыгак И. Комелева, И. Федорова, Ф. Пайдыганов йолташ-шамыч паша нормым 100—150 процентлан тема.

И. Кузнецов.

Морко район, Вуртем-Варанж сельсовет, Киров лумеш колхозын колхозникше-шамычат шошо агаште нормым эртарен темат. Куралмаште Данилов Осип, П. Озанаев кечаш паша нормым 150 процентлан темен толыт.

Киров лумеш колхоз 5 кече коклаште уден пытараш обязательством налын.

А. Алексеев.



Куяр каныме пöртшö каныше чодра паша стахановкаже-шамыч. Снимкыште (шола гыч пурлашке): Е. Ф. Соловьева, А. И. Мичеева (Абас-нур лесхоз) ден А. П. Блохина (Илетьский древокомбинат) йолташ-шамыч. Фото М. Чуршуковын.

## СОВЕТСКИЙ СОЮЗЫШТО ГЛАВСЕВМОРПУТЬ ПАШАЕН-ШАМЫЧЫМ НАГРАДИТЛЫМАШ

Северный Морской Корным да Крайний Северысе район-шамычым освоитлымаште пеш кугу заслугышлан, тугак 1938 ден 1939 ий-ласе арктический навигаций жапыште пашам образцово да самоотверженно ыштымышлан СССР Верховный Совет Президиумын Указше дене Главсевморпути 374 пашаенжым ССР Союзын орденже да медальже-шамыч дене наградитлыме.

Ленин орден дене—7 еным, „Красная Звезда“ орден дене—7 еным, Трудового Красного Знамени орден дене—47 еным, „Знак Почета“ орден дене 88 еным наградитлыме.

„За трудовую доблесть“ медаль дене—97 еным да „За трудовое отличие“ медаль дене 128 еным наградитлыме.

(ТАСС).

### Москва—Волга каналыште навигаций почылтын

1 майыште, 22 шагатат 30 минутышто Москва—Волга каналыште нылымше навигацийым почмаш лийын. Москва—Московский тенгыз маршрут дене первый рейсыш „И. Сталин“ теплоход ден „Советская республика“ паракход каенит.

Суда-шамычым Химкинский речной вокзал гыч тарватен колтеныт да нуно мигатлыше бакен-шамыч ден эгер серысе сигнализацийын түрлө тусан тулышт воктен писын эртен каенит. Жап шуко лиймым ончыде, палублаш пайрем семын весела да оживлено. Вуд умбалне „Родина нерген муро“ йонгалтын, музыка мугыралтын.

2 май эрдене, кече каналын живописный серже-шамычым сайын волгалтарыш. Иман чодра-шамычын ужар лентышт шуйналт возыч. Каналын ош, сылне служебный пöртшö - шамыч койнын. Шлюз ден пристань-шамычын монументальный сооруженийышт пайрем гай флаг да плакат - шамыч дене сбрастарыме улыт. Шлюз-шамычын механизмышт чарныде пашам ыштеныт. Шлюзоватлымаш улыжат икмынар минутым велз налын. Кечываллан суда - шамыч Московский тенгызш пурышт да кучык шогалмашым ыштен, мөнгеш савырнышт.

### 13 майыште—КП(б)У-н XV с'ездше

Киев, 2 май. 13 майыште Киевеш Украинысе коммунистический большевик - шамыч партийын XV с'ездше почылтеш. С'ездын тыгай ончышаш пашажым утвердитлыме: ЦК КП(б)У-н отчетный докладше—докладчик Хрущев йол-

таш; центральный ревизионный комиссийн отчетшо — докладчик Спивак йолташ; КП(б)У Центральный Комитетым да центральный ревизионный комиссийым сайлы-маш.

### Речной транспорт пашаен-шамычым наградитлымаш

СССР Верховный Совет Президиум речной транспортым пенгыдемдымаште да развиватлымаште пашам успешно ыштымылан речной транспортын 212 пашаенжым ССР Союзын орденже да медальже-шамыч дене наградитлен.

Ленин орден дене—9 еным, Тру-

дового Красного Знамени орден дене—19 еным, „Знак Почета“ орден дене 53 еным наградитлыме. „За трудовую доблесть“ медаль дене—56 еным, „За трудовое отличие“ медаль дене 75 еным наградитлыме.

(ТАСС).



## Республикысе колхозлаште шошо ага паша кайыме нерген

ВКП(б) Обком бюро ден Марийский АССР Совнаркомын 1940 ий 3 майыште лукмо пунчалышт

Колхозлаште шошо ага паша кайыме нерген Марийский АССР Земледелий Нарком Флорентьев йолташын увертарымышым колыштмек, ВКП(б) Обком бюро ден Марийский АССР СНК пасу пашам организоватлымаште да тудын качестважы кугу ситыдымаш-шамычым палемдат. Колхоз-шамычын курал-удышаш мландыштын ятыр ужашыже удаш ямче гынат, удым паша пугырак эркин шарлен шога. Пугыракшым пасу паша Оршанка, Пектубай, Йошкар-Ола, Кырык-Марий, Сотнур, Звенига районлаште организовано огыл кая. Нине районлаше шуко колхоз-шамыч удаш тугалын огытыл, эр удышаш пугыракшым култура ден технический култура-шамычым удашлан эн сай жапым арам эртарат.

Звенига районушто 69 колхоз гыч 4 колхоз гына удаш тугалын. Республикысе ятыр моло районлаштат положений тыгак.

Колхозлаште пасу пашаште имне вийым тугалын огыл кучылтмаш тышке шуктен: шуко колхоз-шамыч агротехнический шотышто важный улшо пашам, примерлан, кылмаш куралым кызыт мартеат шурен пытарен огытыл. Куженер районушто 20 гектар кылмаш куралым гына, Кырык-Марий районушто—281 гектарым шурым. Шуко МТС-лаше трактор-шамыч пасу пашаште алат огыл кучылталт. Йошкар-Ола МТС-ште 14 тракторный бригада гыч 2-шо майлан улыжат 2 бригада, Оршанка районушто 22 бригада гыч 3 бригада гына пашам ыштат.

Шуко колхозлаште пасу пашам организоватлымаште серьезный ситыдымаш—удым деч ончыч почвным обработыватлымаш ден удымаш коклаште улшо кучылтмаш лийын шога. Мари-Турек районушто удашлан ямдылыме 2.253 гектар гыч 30 апрельлан улыжат 265 гектарым гына, Звенига районушто удашлан ямдылыме чыла площадь гыч 1,3 процентым гына удым.

Удым пашам организоватлымаште чыла нине кугу ситыдымаш-шамыч тидлан верч лийыныт: посна районлаше ВКП(б) райком, райисполком ден земельный орган-шамыч тенийсе шошымын особенностьюш шотыш налын огытыл да шошо агам вашкерак эртарышаш верч кучедалмашке колхоз ден МТС-шамычым организоватлен огытыл. Тыгак посна колхозлаште улшо, удаш вашкыме ок кул манме осал настроением пытарашлан решительный мера-шамычым ыштен огытыл.

Тидын дене пырляк посна колхозлаште удымаш пашан качестважы улшо шога. Морко районусо ятыр колхозлаште пугыракшым кид дене удат. Сотнур районусо „Трудовик“, „Москва“ колхозлаште почвным куакшын куралыт. Подкормкым ыштымаш кызытат эркин кая. Оршанка районушто 2 майлан улыжат 35 гектареш, Пектубай районушто 15 гектареш гына подкормкым ыштыме. Сортообмен ден люпин вшым нангаймашым кызыт мартеат пытарыме огыл.

Ятыр колхоз ден МТС-шамычын руководителышт могырым пасу

пашан качестважы дек пренебрежительный отношений республикысе район-шамычын руководящий органышт да Наркомзем могырым пентгыде отпорым але ок вашлай.

ВКП(б) Обком бюро ден Марийский АССР Совнарком пунчалыт:

1. Посна колхоз, МТС да земельный орган руководитель-шамычын, тугак ВКП(б) южо райком ден райисполком-шамычын массовый удымаш пашам кучымаште койын шогышо настроенийштым йонлышлан шотлен осуждатлен. ВКП(б) Обком бюро ден МАССР СНК икияшым удымаш темпым кугун писемдаш да тидлан лийын теве мом обеспечитлаш ВКП(б) райком ден райисполком-шамычым обявзватлат:

а) удымаш пашаште пугырак машинно-тракторный паркым тичмашын да рационально кучылтмаш, тидын годым трактор-шамычын производительностьштым нолталмашке да йуд смена-шамычын пашаштым организоватлымашке поснак вниманийым ойыраш; чыла МТС-лаште пашам ыштыме тыгак порядком установитлаш: удымаште пашам ыштыме трактор-шамыч йудым удашлан почвным ямдылымаште пашам ыштышт;

б) колхоз-шамычын пугырак шупшо вийыштым удымаште тичмашын кучылтмаш да колхозлаште кылмаш курал кодымо мландым лишыл 1—2 кечыште шурен пытараш;

в) почвным обработыватлымаш ден удымаш коклаште пасу пашан первый кечылаштыже лийше кучылтмаш пытараш, тидлан МТС ден колхоз-шамычын чыла сеялкаштым кучылтмашым решительно саемдыман. Ик имне дене удымаш коклаше сеялка дек кок имне гыч, кок имне дене удымаш коклаше сеялка дек ныл имне гыч прикрепитлаш да чыла колхозлаште удымаште шуко смена дене пашам ыштымашым обеспечитлаш колхоз-шамычлан рекомендоватлаш.

2. Подкормкым ыштымаш да озымаш шурешаш планым лишыл кечылаштак темаш республика Наркомзем деч, ВКП(б) райком ден райисполком-шамыч деч требоватлаш.

3. Шуко колхозлаште имне да трактор дене ыштыме пашам привилегияш правило-шамыч огыл шукталт, сандене агротехникым нарушатлымаш факт-шамыч лийын кертыт. Тидым шотыш налын, ВКП(б) Обком ден Марийский АССР Совнаркомын 1940 ий 19 апрельсе пунчалыштым безуловно шуктымашым обеспечитлаш, агротехникым нарушатлыме чыла факт-шамычым решительно пресекаш ВКП(б) райком ден райисполком - шамычым, райзо ден МТС-шамычым обязатлаш.

ВКП(б) Обком ден Совнарком шошо ага пашам оперативный вуйлатымашым решительно саемдаш, вий да средства дене писын маневрироватлаш, чыла колхозник-шамычым, МТС пашаен-шамычым да ял озавлык специалист-шамычым социалистический соревнованийш ушаш да удымаш пашаште партийно-политический пашам кумдан шараш партийный, советский да земельный орган-шамычын руководителышт деч требоватлат.

ВКП(б) Марийский Обком секретарь КУШНАРЕВ.  
Марийский АССР Совнарком председатель АБРАМОВ.



Пеледалтше Марийский республикын столицесе—Йошкар-Олаше Совет-шамыч пбрт.  
Фото М. Чуршуквын.

## ГАЗЕТЫМ САЕМДЫШАШЛАН МЫЙЫН МУТЕМ

Республиканский комсомольский „Рвезе Коммунист“ газетым мый 1935 ий годсек эреак лудын шогем. Газета мыланем комсомольский пашаштем кугун полша.

1936 ий гыч 1938 ий марте „Родина“ колхоз пеленсе первичный комсомольский организацийын секретарьжылан ыштыме годым „Рвезе Коммунист“ газета дене руководителат шогенан.

Газета эреак саемеш. Но туге гынат але ситыдымаш-шамычат улут. Газета колхозлаште култура кушмашым, комсомолец ден несоюзный молодежь коклаште бытовой вопросым шагал ос-

вещатла. Тиде шотышто ситыдымаш-шамычым пытарышаш верч конкретно шагал руководитла.

Сай комсомольский организаций-шамычын пашашт ситышын огеш ончыкталт. Тидын дене пырля комсомольский пашам начар ыштыме комсомольский организаций-шамычым шагал критиковатла.

„Рвезе Коммунист“ газета сай агитатор-шамычын паша опытыштым шагал ончыкта. Чыла тиде ситыдымаш - шамычым тбрлатен, газетым эшеат саемдыман.

М. А. Александров,  
ВЛКСМ Ронго райкомын учет отдел вуйлатышыже.

## Газета мыланем кушкаш полшен

Мый начальный школышто тунемем годымак тбрлб газета, журнал-шамычым лудаш тугалым. Газета деке вниманийым кугун да кугун ойыренан.

Эн первояк мый 1935 ийыште „Ямде лий“ газетышке возаш тугалым. Материалем первый газетышке печатлатмеке уло кумылем дене йывыртышым. Тиддеч вара мый „Рвезе Коммунист“ газетышке возаш тугалым.

1938 ийыште, Кожлаер школышто тунемем годым, пырдыж газет редакторлан сайлышт. Тиде пеш кугу да ответственный пашам честно оправдатлаш тыршышым. Газетым художественныйым лукшаш верч уло вием, уло мастарлыкем пыштен кучедалым. Газета мыла-

нем кушкаш шуко полшен.

Газетышке кбрылтде возен шогымемлан 1939 ийыште июль тылзын лийше „Марий Коммунист“ газетын рабселькор-шамычын совещанийыштышт мыйым редакций 75 тенге окса дене премироватлыш. Тиддеч вара газетышке возашлан мыйым кумылем эше кушкб нолталте.

Пашам йбрaten ыштымеман кбра мыйым районный редакцийышке паша ышташ налыч. Кызыт мый „Коммунизм верч“ редакцийыште инструкторлан пашам ыштем. Тиде мыланем пеш кугу почет. Тиде почетный пашам оправдатлаш уло вием дене тыршем.

Сергей Эчан.

## Мыйын пожеланий

Шке писательский пашам мый „Рвезе Коммунист“ газета гыч тугалыман. Ты газетын корреспондентше улам.

Эртыше ий-шамыч дене танастарымаште, мутат уке, „Рвезе Коммунист“ газета кугун ончык каен, — тудо живой газетыш савырнен, а тидыке печаттын эн кугу достоинствыжо!

Большевистский печаттын пайремже кечын мый шке гычем тыгай пожеланием каласынем.

„Рвезе Коммунист“ газетна шке пашажым пеш шукулан тбрлатышаш. Ятыр годым редакций пашаен-шамычын невнимательностьыштан кбра газета страницылаште серьезный титак-шамыч лиедат (опечатка, фотоклишем пугайкалымаш, изи факт - шамычым кужун возымаш, молат).

Сандене редакций пашаен-шамычлан шке пашаштышт эше утларак большевистский ответственность лийже, — тиде газетым са-

емдымашын эн тугн условияже.

Газетын йылмыже массылан умлышан, культурный йылме лийман. Тидым саемдымашын условияже—калык йылмым йбрatымаште, тудым изучатлымаште.

„Рвезе Коммунист“ газета литература илишым начарын огыл ончыктен толын; тышечын вес пожеланий — „Рвезе Коммунист“ ончыкыжат да эше сайынакын литература илишлан вниманийым ыштыже. Конкретно — марий поэт, писатель, драматург-шамычын произведенийышлан рецензийым, критический статьям, лудшо-шамычын отзывыштым пуэн шогыман.

Пытаргышлан эше ик ой. „Рвезе Коммунист“ — рвезе калыкын, коммунистический обществем ыштыше поколенийын газетине. Сандене тудо удыр-рвезе-шамыч коклаште коммунистический мораль, у быт верч кучедалмаште пусб оружием лийже!

Георгий Ефруш.



## ЛИТЕРАТУРНЫЙ СТРАНИЦА

В. Рожкин.

## БЕЛОРУСКА

Таче первый ош тусетым,  
Белоруска, ужныам.  
Таче первый тый денетше,  
Шокшо мутым ойленам.

Белорускам ожно годым  
Мый книгаште ужныам,  
Сад коклаште лудын коштын  
Мый суретшым онченам.

Ятыр жап тудлан эртен,  
Ик ий весым вашталтен.  
Белоруссийыш служаш  
Лач тений пернен толаш.

Каныш кечын ик кастене  
Мый олашке лектынам,  
Вот тунам урем лук дене  
Белорускам вашлийнам.

Пеш ару, яндар чурийже,  
Йбршын водо ужара.  
А оила гын тудын йукшо  
Пуйто ший памаш мура.

Тунб кызыт йырваш шошо,  
Тунб кызыт умыр кас.  
Угыч толын кече шокшо,  
Угыч юж яндар шулаш.

Первый гана тудо таче  
Эрык шошым вашлиеш.  
Первый гана боец качым  
Тудо шыргыж ончалеш.

Белоруска, чот куане,—  
Тый советский удрамаш.  
Лий праватше молын гане  
Тунемаш, сайлаш, канаш.

Кожышна ме шакше паным,  
Эрык илыш лий шкенан.  
Мучышталте панын млавде,  
Ынде тудо чылт мемнан.

У кино театр ончык  
Вот кино гыч ме лекна.  
Революций площадь гочын  
Мутланалын эртышна.

Белорускам мннгыш кодыл  
Ты кастене миенам.  
Таче мый суретшым оыл,  
Тудым шкенжым ужныам.

БССР,  
март, 1940 ий.

## ПИСЬМА

Ужатымашым пагален,  
Мый ош платокым аралем.  
Йбратымашым арален,  
Тылат саламым сералтем.  
Эрден зарядкышке лектам,  
Эр велсе кечым ончалам.  
Эр велсе кече гай тусан  
Келшет моткочак шумемлан.

Толмек поход гычын, танем,  
Арун винтовкым эрыктем,  
Эл аралашлан ямдылем,

Тунам мый тыйым шарналтем.  
Колхоз паша гыч пörтылмек  
Волгалтше пörтышкө пурет.  
Ушеш возеш дыр тылавет  
Йошкарармеец йолташет.  
Ужатымашым пагален,  
Мый ош платокым аралем.  
Йбратымашым арален  
Тылат саламым сералтем.

Чалай Васлий.

Ноябрь 1939 ий.

## ВУЧЕМ МЫЙ ТЫЙЫМ ЧОН ЙҮЛЕН

Вучем мый тыйым чон йүлен,  
Вучем мый кечын, йудымат;  
Кунам, кунам толат, танем,  
Кунам шумем пелен лият?

Эрат, касат вудлан водем,  
Памаш йолгорным такыртен;  
Эрат, касат ласкан мурем,  
Памаш тошкемым шергылтен.

Ушеш возеш Иман памаш:  
Кушан ме первый коктынат  
Ик шум ден курымшым илаш  
Пеш шерге мутым кучышна.

Мый тудо жапым раш шарнем,  
Пеш тымык ыле йырымваш.  
Ош шонжым логын овартен,  
Лач шкет шорген йоген памаш.

Тугак яндарын шонешталт  
Тачат йога Иман памаш.  
Тугак кастен мур йук йонга:  
—Ой, ший памаш, тый ший памаш!

Тугак тўшка ден ме чылан  
Канашлан тушко лектына.  
Тугак гармонь ден веселан  
Тустепым, вальсым куштена.

Вашке тый службым пытарен,  
Толат колхозыш, мннгышкет.  
Тунам кузе чот йывыртен  
Лектам кастене тый декет.

Но кок ий жапыште мыйат  
Пашаште ятыр кушкынам.  
Улам мый кызыт депутат,—  
Тор'ялыш сессийыш коштам.

Мый уло кумыл ден тыршен,  
Пашам эре шуктен ыштем.  
Паша кокла гыч пеш вашкен  
Тылат адак письмам возем.

Вучем мый тыйым чон йүлен,  
Вучем мый кечын, йудымат;  
Кунам, кунам толат, танем,  
Кунам шумем пелен лият?

В. Рожкин.

## ЙОЛТАШЛАН

Кугу пүнчö воктене  
Винтовкыжо дене  
Рвезе ег пып шога,  
Мундүрк туткын онча.

Шочмо мннгыжö велыш,  
Мундүркö, эр велыш  
Шыманрак ончалеш,  
Мом гынат шарналеш.

Шарналта дыр ту кечым,  
Куженгер корно дечын  
Кузе рвезе мурен,  
Олма садыш пурен.

Куан курык воктечын  
Шуйна корно ял дечын.  
Коштынна ме чодраш,  
Тутло пукшым погаш.

Шарналта дыр ту касым,  
Ломберан сад кокласым,  
Рвезе удыр кунам  
Пуэн мутым тудлан.  
Верный танжым—винтовкым  
Кормышта чотыракын.  
Шем шинчаж ден умбак  
Ончалеш писынрак.  
Письмаштет возенат тый:  
„Адак постыш каем мый,  
Диверсант шакшылан—  
Пычал пүсö шыкан!“  
Мыйын лудын лекмеке,  
Мочол кумылем нблб.  
Мыйат постыш каяш  
Улам ямде, йолташ!

Т. Азманов.

В. Рожкин.

## ПЕРВЫЙ ЙҮР

Шошо кечын нур умбалне,  
Эр тўналын кас лиймеш,  
Кумыл нблтын колхоз калык  
Икияшым уда пеш.

Трактор-шамыч вакыт кашым,  
Йбршын мамык тўшакла.  
Таче шошо удышашым  
Колхозна уда чыла.

Кече мучко „чытыр“ шокишын  
Кече пелтыш нур умбак.  
Кас велешлан горизонтшым  
Погынале пыл кашак.

Оваралын ик торешке  
Ярымалте пеш шыман.  
Йүр йүраш чот тўналмешке  
Ойлыш мутшым чал Сапан:

—Она волто лум-неретым,  
Эй, Микале, бригадир!  
Удена ме вошт нбрмешке,  
Йүржб велз шбртнб йүр.

Лум йымачын лекше озым,  
Мушкылт, чывыл, куш тый сай.  
Мамык мландыш шаре возжым,  
Лийже чапле урожай!

Йыр шыналгыш пыл каваште,  
Йүр тўнале чот йүраш.  
Ыжна чакне ме пашаште,  
Ыжна чарне ме удаш.

Ошкыл писын, ола вўльб,  
Ит бркане плуг шупшаш,  
Тений чапле лийшаш шўльб,—  
Только патыр лий кочкам.

Кажне кечын пайрем гане  
Чес уан лиеш мемнан;  
Только, Таня, ит бркане  
Куэшташ коман мелнам.

Йүрын йбршын чарнымешке  
Ме пытарышна уден.  
Кече лекте пыл шенгечын  
Да ончале саламлен.

Эртыш йүр торах—умбаке,  
Яндареште юж шўлаш.  
Кум бригаде нур умбачын  
Лектыч мннгышкө толаш.

Шергылтен колхозный нурым  
Шушык гае йукушт ден,  
Удыр, рвезе мурышт мурым  
Первый йүрым чот моктен.

БССР,  
апрель, 1940 ий.

## ОЙЛЫМАШ-ШАМЫЧЕМ НЕРГЕН ОЙЛЫМАШ

I

1931 ий. Мый первый гана редакций омсашке миен шогалым. Омсаш возен сакыме: „Рвезе Коммунар“ газет редакций. Ик магал жап пураш брын шогымеке омсам шупшылым. Устел коклаште шинчыше ег мыйым тура ончен пелештыш:

—Мом каласет?

Мый мутым луктеак кидысе ка-таз лапчыкем шуалтышым. Тудо шел йукын лудеш: „Шым ий Ленин деч посна“... А мыйын изи шумем лектын вочшаш гай чўчка.

—Стихым возенам манат?—вуйым нблталын йодо. —Кок куплетше келша, а вес кок куплетшым моктен ом керт, —ешарен каласыш да тудо мыйым ятыр жап кучен шогыш: газетшым возымо нерген турлымат кутырыш.

Тудо йолташын мутшо почеш кок кече гыч ик заметкым возен колтышым. Тудо газетеш печаталте. Йымалныже „Мичурин-Азмекей“ лумем возымо. Ындыжым, куаныме дене эшеат чот шумем пырткен.

Тиддеч вара чарныдеак газетшым возен шогем. Тўналтыш жапыштак тыгыде ойлымаш-шамычым возгаленам. Тыге мый газета дене тан лийым, таче мартеат газета

гоч литературный пашаштем кушкын шогем.

Газета мыйым писатель лиймешкемак куштен шукта манын ушанен шогем. Теве кызыт „Патриот-шамыч“ луман ойлымаш сборникем (кудын нерген умбакшым каласем) Маргосиздат луктын. Тидым шуктымаште газетын рольжым тўнлан шотлем.

II

1934 ий марте мый ялыште иленам. Тудо жапыште возымо ойлымаш-шамычем школысо йолташемлан да монь луде денам. А тудыжо колышт шинчышжак нерзш тўналеш ыле. (Очыни, возымом шумым таратыше оыл улмаш) Садланак тиде пашалан кўлеш семын жапым ойырен моштен ом ул.

1934 ийыште армийышке кайышым. Вот тушто (армийыште) изи пашак кугун коймым, сай пашаштак ситыдымаш улмым шижаш тўналым. Тыге литературный пашашем утларак серьезныйын тыршаш кўлым палышым. Садланало чўдö жапем (ончыч полковой школышто тунемынам, вара политический пашаште лийынам) литературный пашалан ойыренам.

Армий илыш, родинам аралы-маш—кеч могай кугу паша дечат

шерге лие да (тыгак шол) возымо пашаштем оборонный темыш куснышым. Вич ий коклаште ятыр ойлымашым тиде тема дене возенам (йоча-шамычлан возымынат шотлаш гын, коло ойлымашыш погына). Ятыр гыч лу ойлымашыже тений посна сборник дене лекте („Патриот-шамыч“, Маргосиздат, 1940 ий).

Лудшо-шамычым шижтарышаш улам. Марийский литературышто оборонный тема дене возымым (проза гыч) муаш йбсырак. Садланмыланем тунемаш—нигö деч ыле, лачшым каласаш, шкаланем шке гына корным ышташ тўкнен. А тиде тема дене возаш утларак йбсö, нелз. Вот налаш, военный-шамычын йылмыштым; нуно керек кунамат кўчыкын кутырат, келгын умлат. Мыйат ойлымашлаштем герой-шамычым кўчыкын кутырыкташ, торашке ужаш да келгын умлыкташ тыршенам. Саде гыч, лудшо-шамычым ончылгочак шижтарышаш долган улмылан шкемым шотлем.

Иктаж мом мучаш шумешкак рашемтыде коденам гын, то тыште мыйын титакем шагал. Лудшылан шканжак велз умлен налаш кодем.

Ойлымаш-шамычем эпизодический велз улыт („Йошкар командирым“ шотлаш оыл гын). Тиды-

жат мыланем, герой-шамычын пашаштым ончыкташ шыгырым ыштен.

Кызыт мый посна ойлымаш-шамыч нерген ойлаш ом тошт. Лач „Йошкар командир“ нерген гына каласынем.

Тиде ойлымашым армий гыч пörтылмекем возенам. Моло ойлымаш-шамыч шот гыч тидлан мый ойыртемынак серьезно относилалтын. Туге гынат, ситыдымаш могыржат эше кодын (лудшо-шамыч утларакат каласен пуат дыр шонем).

Вет, сборник деч ончыч ойлымаш-шамычем чылажат жапыштыже газетлаш печаталтын. Но нигдат, ни шере, ни кочо мутымат мыланем каласен оыл. Тиде шотышто Марийский писатель-шамыч Оргкомитетат мутым луктын оыл. Кызытат эше Оргкомитетат уждымо да колдымо лийынак кодем.

Ушанен лиям: лудшо-шамыч шкеныштын пүсö да шерге мутыштым, каласат дыр, шонем. Мый, сельковский заметка-шамыч гыч литературный произведений-шамычым возымо марте кушкын шушо, шкемын шерге лудшо-шамычемлан кугу ушанымашем да кугу тау шомакем каласем.

Мичурин-Азмекей.



## Газета кугу полышым пуа

Мый „Рвезе Коммунист“ газетым ынде куд ий лиеш чарныде лудын шогем.

Газета, моло ийласе дене тага-старымаште, тений ятыр саемын. Газетышке материал - шамыч жапыштыже да келшышын пурталтыт. Иностранний телеграмма ден Советский Союз нерген статьяма газетыште чўкыдын ужаш лиеш. Фотокарточка - шамычат сылне улыт.

Чыла тиде саеммаш мемнан кече еда пашаштына кугу полышым пуа. Газетын полшымыж дене ме школыштына у вопрос - шамычым тарватена. Тидын дене пырля неуспеваемость, недисциплинированность ваштареш кучедалмашнам виянгдена. Оборонно - физкультурный пашам саемдымаштат газетын полшыжо кугу.



Н. А. Алексеев йолташ.  
Фото М. Чуршуковин.

Газетышке фотоснимка - шамыч эртак олесе илыш гыч велэ пурталтыт. Ялысе илыш, колхозын пеледайт кушмашыже гыч шагалак пурталтеш.

Мый литературный страница шотыштат изиш ойлынем. Литературный страницат шагалак пурталтеш. Пиалан советский молодежь стихотворений, ойлымаш-шамычым лудаш йбрата. Нунын кокла гыч ятыр тўналше поэт, писателят улыт. Садлан „Рвезе Коммунист“ газетлан литературный страницым чўкыдын пуман.

Н. Алексеев,

Йошкар-Ола педучилищын ученикше.

## ПЫРДЫЖ ГАЗЕТА-ШАМЫЧЫН ПАШАШТЫМ САЕМДЫМАН

Ронго. (Телефон дене). Колокудский сельсовет мучко 6 колхозлаште 1940 ийыште 19 номер пырдыж газетым гына лукмо.

„Свобода“, „Пятилетка“ колхоз-шамыч ик номер пырдыж газетымат луктын огытыл. Пушкин лумеш, „Чодра саска“, „Кундыш“ колхоз-шамыч улыжат ик номер гыч велэ луктынты.

Лекше пырдыж газетлаште посна колхозник-шамычын сай паша опытышт йбрешеш огеш ончыкталт. Эртак колхозын да посна колхозник-шамычын ситыдымашышт гына критиковатлалтеш.

Грамматический ошибка-шамыч нерген поснак ойлыде огеш лий. Нуно газетлаште пешак шуко улыт. Сельсовет пеленсе „Колхоз йўк“ пырдыж газета редактор избач А. С. Виноградов йолташ газетыште тыге воза:

„Председатель первичной орга-

низацийн секретарь комитет Н. Рыбаков мом шона гын?“ Тыште „Чодра саска“ колхоз пеленсе комсомольский комитет нерген ойлатлалтеш, а „Чодра саска“ колхоз пелен але комитетым организоватлыме огыл. Избач Виноградов йолташ тидымат огеш шинче.

Колокудский начальный школышто лекше „Пионер“ газетат пеш шуко ошибкан. Школа заведующий И. Н. Петухов йолташ газетым йбршын огеш луд. Тудым колхозласе пырдыж газета-шамычлан полшаш прикрепитлыме, но тудо полышым изишат огеш пу.

Колокудский сельсоветысе пырдыж газета-шамычын пашаштым кызытак саемдыман. Газета колхозым большевистскийым да колхозник - шамычым зажиточныйым ыштымаште пўсб орудий лийшаш.

Вас. Мих.



Илетский мыльно - канфиольный заводын стахановкаже А. Г. Охотина йолташ Куяр каныме пўртыштб кана. Снимкыште: Охотина йолташ газетым лудеш.

Фото М. Чуршуковин.

## Шўльбден парентгым яровизироватлат

Шернур район Токтамыжский сельсовета 6 колхозлаште 25 апрельлан 27,80 гектар озымеш подкормкым ыштыме. Семена яровизироватлымашат сай кая.

„Ўжара“ колхоз 35 центнер шўльым, 20 центнер парентгым, „Йошкар Шернур“ колхоз 17 цент-

нер шўльым да 15 центнер парентгым, „Йошкар шўдыр“ колхозышто 14 центнер шўльым да 20 центнер парентгым яровизироватлыме. Сельсовет мучко зерновой культурым 96 центнерым да 105 центнер парентгым яровизироватлыме.

Мих. Тымбаршев.

## Инициативный учитель

Кузнецовский неполный средний школышто (Кырык-Мари район) политико-воспитательный пашам сайын организоватлыме. Тиде пашашке школьный комсомольский организацийн секретарьже Изиков йолташ чыла комсомольский активым мобилизоватлен. ВЛКСМ ЦК X пленумын решениеже основеш пашам ыштымылан кбра, школын пашажым вожгычак саемдыме. Успеваемость кўзен, пионер пашат сай ышталтеш, отличник-шамыч шукемынак толыт.

Школысо отличник-шамычым

12 еным комсомолыш пуртымо. Нуно общественный пашаштат примерым ончыктат.

Изиков йолташын инициативыж дене „Сигнал“, „Политотдел“ колхозлаште угыч комсомольский организаций-шамычым организоватлыме.

Изиков йолташ чыла паша денат примерный, инициативный учительлан шотлалтеш, моло учитель-шамыч коклаште тудо практический пашаж дене примерым ончыктен шога.

Е. Монсеев

В. Борисов.

## НОК ПРЕДЛОЖЕНИЯ ЗАМЕТКА ГЫЧ—„КўРТНЬО ВИЙЫШ“

„Газета — коллективный пропагандист да коллективный агитатор велэ огыл, тугак коллективный организатор“ манын В. И. Ленин ойлен. „Большевистский печать, — манеш Сталин йолташ, —... мемнан партийын эн пўсб да эн виян оружийже“. Большевистский партийым организоватлымаште да тудын йыр пашазе массым шупшамаште, ме историй гыч рашак палена, Ленинын организоватлыме „Искра“ газета пеш кугу значенийым иметлен. Тыгак капиталистический стройым сўмырал шумаште, меньшевик, троцкист, бухаринец да моло тушман - шамыч ваштареш кучедалмаште большевистский печать коммунистический партий кидыште пашазе классын да уло шемер массын организаторжо да эн пўсб орудийже лийын шоген да кызытат тугак лийын шога.

Ме мланде шарын ик кудымшо ужашыште социализм ыштен шуктен, коммунизм ыштен постепенно вончымаш периодыш пурен улына. Мемнан ончылына кумышо сталин-

ский пятилеткын планжым шуктышаш задача-шамыч шогат. Мемнан ончылно масса коклаште тошто пережиткым, капитализм пережиткыжым пытарен, нуным коммунистический духеш воспитатлышаш задача-шамыч шогат. Тыште большевистский печатын рольжо кугу. Печать марксизм-ленинизм пропагандын тўн формажо.

Массым воспитатлымаш шотышто большевистский печатын заслужыжо пеш кугу. Газетым лудын шогышо эн тудын гоч шкаланже кўлешым кеч кунамат муын кертеш да тушечын налмыже дене тудо тўням у семен ончаш тўналеш. Тачысе кечын илышыште мо лийын шога гын, ме тудым газетыште муына.

Молодежь-шамыч шукушт газета гоч воспитатлалтыт. Мемнан марий поэт, писатель - шамыч, тыгак Советский Союзысо моло писатель, поэт-шамычат шукушт газета гоч воспитатлалтыт.

Тиде шотышто мый шкемым налам. Кодшо ий мыйын „Кўртньо вий“ романем печатлалт лекте.

Романым возаш чылт куштылгыжак огыл. Тидым возен кертше лиймешке мыланем шуко лудын шогаш да возаш тунемаш верештын.

1925 ийыште мый Йошкар-Олаш, Совпартшколыш тунемаш толым. Тиде ийыштат „Йошкар кече“ газетыш возаш тўналым. Ондакшым мыйын материалом огыт печатле ыле. Ик гана ончем, мыйын материал печатлалтын: „Морко кантон, Корак-Солаште 60 эн тунемдыме-шамыч тунемаш коштыт. Нуным Сергей Иван тунукта“. Тыгай изи заметка, чылажат кок предложений велэ, а мыланем тудо пеш вийым пуыш да возаш желанийым тарваттыш. Тылеч умбакыже мый чарныде возаш тўналым. 1926 ийыште первый майлан уже мыйын маевкын исторический справкыже печатлалт лекте. Тиде ийынак почеламут-шамычым возаш тўналым. Но печатлалташыже 1930 ийыште гына тўнале. 1929 ийыште Шкетанын „Чодра лонгаште“ ойлымашыжым лудым. Тудо мыйын кумылем эше чот нўлтале. Мый илыш гыч фактым налын, Керебляк чодраш йонгыш лийын колышо Настий нерген ой-

лымашым возаш шиячым. Ондакшым тиде фактым „Йошкар кече“ газетыш профсоюзым шыталан возенам, вара тидым типизироватлен, сайын сўретлышым. Тудо ийыштат „У вий“ журналеш печатлалте. 1929 ийыште „Кўртньо вий“ лийшашлык гыч ик ужашыжым возенам. Тудо ужаш 1934 ийыште печатлалте. Тыге мый кок предложениян заметка гыч тўналын „Кўртньо вийыш“ шуым.

Мый ондакшым „Йошкар кече“ варажым „У илыш“ журналыш, тиде журнал „Марий ял“ газетыш савырнымеке, тудо газетыш да „Рвезе Коммунарыш“ чарныде возен шогенам. А 1935 ий гыч шкежат газета пашашке „Ленин ой“ редакцияш толым. Вигаг ойлалш тоштам: мый газета-шамыч дене кылым ом кучо ыле гын, тушко чарныде, активно возен ом шого ыле гын, литературный пашашке пурен ом шу ыле. Сандене большевистский печатлан мый шуко обязан улам.

Н. С. Лакайн.

Отв. редакторын заместительже—  
В. М. БОРИСОВ.